

## Poštovan sugrađani,

Obavijestavam Vas da smo formirali Udruženje porodica i prijatelja nestalih osoba „Suza“.

Udruženje je upisano u Registar udruženja kod Ministarstva pravde BiH pod registarskim brojem 1256 u knjgu I Registra, dana 10.05.2012. godine.

Ciljevi i djelatnosti Udruženja Suza su: pomoć i koordinacija aktivnosti na pronalaženju nestalih osoba; prikupljanje informacija o sudbini nestalih osoba i formiranje baze podataka; prikupljanje video i audio snimaka, fotografija izjava i svjedočenja kao i ostalih materijalnih dokaza o nestalim osobama i dostavljanje istih nadležnim organima na postupanje; rad na spiskovima žrtava 1992-1995; obilježavanje stratišta ubijenih i nestalih; organizovanje različitih vidova edukacije članova Udruženja; saradnja i koordinacija sa svim institucijama i drugim organima i organizacijama u BiH i međunarodnim organizacijama, radi ostvarivanja ciljeva Udruženja Suza; razmjena iskustava sa istim ili sličnim udruženjima u BiH i inostranstvu; praćenje stanja ljudskih prava; uočavanje pojava kršenja ljudskih prava i zalaganje za zaštitu istih; zalaganje za dijalog različitih kultura, izdavanje knjiga, časopisa, brošura i drugih publikacija radi ostvarivanja ciljeva Udruženja Suza, u skladu sa Zakonom.

Razlozi za formiranje Udruženje su višestruki, a prvenstveni razlog je taj što mnogi naši sugrađani još uvijek nisu pronašli kosti svojih nestalih očeva, braće, sinova, majki i drugih bližih i daljih srodnika.

Te porodice imaju tihu ubitačnu bol zbog toga i imaju jaku potrebu da pronađu nestale sa područja općine Rogatica. Sami, pojedinačno, to nisu u mogućnosti uraditi. Nisu to da sada uspjeli uraditi ni sa nadležnim Institutima za nestale u našoj zemlji.

Kroz ovo Udruženje planiramo mobilisali sve zdrave resurse na zemlji, koji postoje i osjećaju ovu bol „traženja nestalih“, želimo mobilisati sve one koji žele pomoći u prikupljanju informacija o mjestima gdje se kosti naših najmilijih nalaze, kako bi ih ustupili nadležnim institucijama i kako bi stavili tačku na bol „nestali“.

Mi to možemo uraditi, ali samo ako to svi hoćemo. Svi, iz svih nacija. To nam je svima i Božija zapovijest.

Pružimo ruku saradnje svim svojim sugrađanima iz drugih nacija sa područja općine Rogatica. Pogledamo jedni drugima u oči, pomozimo jedni drugima u pronalaženju nestalih, a organi koji su zaduženi da sude o tome neka rade svoj posao. Skrivanje informacija, osim što je i grijeh, to je i priznavanje krivnje i saučesništvo u zločinu. Pobijedimo tu ljudsku manu, zamijenimo je vrlinom. Nek Božija pravda stavi tačku tamo gdje treba da bude stavljena. Neka se kosti naših najmilijih jednom smire, tamo gdje i treba da je njihov smiraj. Svi smo pojedinačno odgovorni za njihov nemir. Pokušajmo saprati grižu savjesti, iskoračimo iz pomračenja uma, za sigurno ćemo biti mirniji i pred dragim Bogom pravedniji.

Pomozimo onima koji su zavedeni od pogrešne politike i pogrešnih vođa, ili zavedeni svojom povremenom ljudskom slabošću, a koji su uradili loša djela, da otvore svoje duše i svoja srca da se pokaju i izađu iz unutrašnje svoje patnje pred vanjski svijet, ne da se bilo ko takvima sveti, no da se pronađu nestali i da se to nikada više nikome i nigdje ne dogodi.

Svako ljudsko biće zaslužuje dostojanstven, od dragog Boga podaren, život, zemlju i svijet.

Sagradimo zajedno po svim mjestima gdje je ko stradao obilježja istine. Nemojmo bježati od toga. Naučimo nešto iz toga. Uzdignimo se iznad toga. Životni vijek čovjeka je tako kratak da mu nisu potrebna međusobna nacionalna ugrožavanja. Valjda smo u 21. stoljeću shvatili da su svi ljudi na zemlji isti, da su svi potekli od jednog čovjeka i od jedne žene, da su svi braća i sestre, da je moja majka Mejra ( Marija) dobila ime po majci Isa Alehiselama, odnosno Isusa Krista. Pročitajmo, ako treba, i po 3 puta Stari zavjet, Novi zavjet i uzvišeni Kur'an. Točak historije nikada nije išao nazad, koliko god to neki pokušavali, on se kreće naprijed.

I muslimanske i srpske i hrvatske nestale osobe zaslužuju dostojanstvena obilježja.

Ali, ako su ti ljudi krivi, bez obzira na njihov nestanak, neka se to od strane nadležnih dokaže, nek se istorijski i osude, ali samo za učinjene greške. Nemojmo mi pokunjene glave istini gledati u oči.

Ne donosimo mi presude. Presude nek donose nadležni neovisni profesionalni neobojeni organi. Ne ostavljajmo neriješena pitanja, ona su jako opasna.

Kao Predsjednica ovoga Udruženja, daću sve od sebe, da Udruženje radi, na što je moguće profesionalniji način. I neću na tome putu stati. Udruženje će se obraćati za pomoć svima, na sve četiri strane svijeta, svim ambasadama, svim nadležnim u BiH, svim ljudima dobre volje, ljudima koji žele pravde i posla da rade.

U ovim zacrtanim ciljevima potrebno je da svaki pojedinac, sa područja Rogatice, da svoj maksimalni, fizički ili finansijski doprinos kako bi smo, konačno jednom znali koliko nas je stradalo, koliko nas još nema, gdje su nam kosti najmilijih.

Potrudimo se svi da ostvarimo postavljene ciljeve. Učlanimo se u naše Udruženje popunjavanjem sljedeće Izjave:

**UDRUŽENJU PORODICA I PRIJATELJA  
NESTALIH OSOBA „SUZA“**

**IZJAVA  
o pristupanju u članstvo**

Ime i prezime: \_\_\_\_\_

Adresa: \_\_\_\_\_

Kontakt telefon: \_\_\_\_\_

e-mail: \_\_\_\_\_

Ovom Izjavom potvrđujem svoje članstvo u Udruženje porodica i prijatelja nestalih osoba "Suza".

Ova izjava služi za upis u Registar članova

Mjesto i datum: \_\_\_\_\_

Potpis: \_\_\_\_\_

Pošaljimo Izjavu o pristupanju u članstvo na e-mail: [almina.omeragic@googlemail.com](mailto:almina.omeragic@googlemail.com)

Članarina je minimalno 2 KM mjesečno, a može se uplatiti prema sljedećoj instrukciji:

UPLATIO JE: Na primjer: Mujić Mujo, Titova 7. Tuzla, tel.....

SVRHA DOZNAKE: Uplata članarine ili donacije

PRIMALAC: Udruženje porodica i prijatelja nestalih osoba "Suza",

RAČUN PRIMAOKA: 1601030000062491, u Vakufskoj banci d.d. Sarajevo, BiH.

Članovi Udruženja će moći koristiti sve raspoložive podatke koje Udruženje, shodno materijalnim, finansijskim i tehničkim mogućnostima prikupi, a što će naravno zavisiti od svih nas.

Program rada i finansijski plan Udruženja "Suza" se nalazi u prilogu ovoga obraćanja, i ukoliko isti bude podržan od većeg broja naših sugrađana, objavićemo na [rogatica.com](http://rogatica.com) Uputstvo i obrasce A, B, C, D, E, F, koji će svaki naš sugrađanin prema svojoj životnoj situaciji iz perioda 1992-1995. godina popuniti i putem e-maila dostaviti Udruženju radi obrade, a lično ili poštom će dostaviti originalne **potpisane** obrasce sa unešenim brojem ličnog identifikacionog dokumenta (lične karte ili pasoša) na adresu Udruženja, radi kontrole i **potpisa** od strane istraživača a radi daljeg korišćenja i deponovanja u arhiv.

U nadi da će naši sugrađani, širom svijeta, podržati ovaj predloženi program rada, srdačno ih sve pozdravljam.

S poštovanjem,

Predsjednica Udruženja „Suza“

Maida Ćurevac